

Tã îgĩ-îgĩ Póólõ kâ Fĩlípĩ lé 'bá yĩ drí Fĩlípĩ lé 'bá

Tã 'ě'á zĩlâ nĩlĩ sísí rĩ

Póólõ îgĩ wárãgã nô Fĩlípĩ lé 'bá krístõ 'bá ró rĩ yĩ drí. Nĩ zĩ Tã 'Ě'ě kápĩtã 16, tã sísí Póólõ drí tã âtĩ-âtĩ tãndĩ Yésũ rĩ tãsi rĩ pězõ Fĩlípĩ 'álâ rĩ, nĩ â'dô úsú'á lâ tólâ, gõ'dá õjĩlã ũrũkã tólâ rĩ 'bá yĩ drí â'dózõ krístõ 'bá ró. Ngbãangbãno rĩ, Póólõ rĩ'á gãnimã 'á. Tĩmãtĩyã bê gólã bê. Gólã ãsũ trá kĩ, áã'dô íyĩ lôfõ'á 'wãã gãnimã 'ásĩ, gõ'dá gólã kpá tã ãsũ ázã bê kĩ, ázã 'bá yĩ áã'dô íyĩ fũ'á. Gólã îgĩ tã õjĩlã 'dĩ 'bá yĩ drí kĩ, gólĩyĩ ãsũ tã rõõ íyĩ tãsi kô, tãlã yĩ ãlĩ tã gólã rĩzõ rĩlĩ áyĩkõ sĩ rĩ trá, á'dô gãnimã 'á ngãtã gãnimã 'á kô yã rĩ. Gólã nĩ trá kĩ, yĩ trá rĩ'á ngã ãlõ 'ĩ Yésũ bê.

Wárãgã nô 'á rĩ, Póólõ 'ě áwõ-ĩtĩ trá krístõ 'bá 'dĩ 'bá yĩ drí, âdĩ gólĩyĩ drí âjólé Ěpãfãrõdĩtõ lãjõ'bá ãyĩkã ró rĩ drĩgã gólã rĩ pãzõ rĩ tãsi. Gólã âtã tã krístõ 'bá 'dĩ 'bá yĩ drí tã 'ě'ě Yésũ kã rĩ 'bá yĩ vó lâ bêlé 'ĩ'dĩ, gõ'dá kpá tã yĩ Póólõ drí rĩ'á âtãlã gólĩyĩ drí rĩ 'bá yĩ õrĩ ágálé gólĩyĩ drĩ. Gólĩyĩ áãrĩ tã õjĩlã gólĩyĩ kĩ 'bá nĩ, óõlõbẽ lã'bí Yúdã yĩ kã rĩ 'bá yĩ vó lâ 'ĩ'dĩ, tãlã á'dózõ õjĩlã Ôvãrĩ kã ró rĩ 'bá yĩ kô. Tã 'dĩ 'bá yĩ õnjõ 'ĩ. Gólĩyĩ drí tótõ tã lãlã Yésũ 'á, gõ'dá Ôvãrĩ á'dô gólĩyĩ 'ě'á á'dólé ngã ãlõ ró Yésũ bê. Á'dózõ ngã ãlõ ró Yésũ bê rĩ rĩ'á tã gólã lãvũ 'bá kôrõ rĩ 'ĩ'dĩ, tãlã krístõ

'bá yî òrì ró ìyî zāā kárá āyīkō sī, gō'dá kpá āwô-
 ìtí lógō-lógō bē Ôvârí drí, òzō kpálé lāṅṅ ã'dô bē
 rî.

1 Mâ Póólō ìgĩ wárāgā nô nĩ ãnî gólìyî òjílā
 Ôvârí rî nyāányā kâ Fìlípì 'álâ rî 'bá yî drí. Āmâ
 Tīmátìyā bē, āmâ gólìyî â'dó 'bá rû ì'bū 'bá Yésū
 Krístō kâ ró rî 'ê nî-bē-yā ãnî drí. Má rî tā ìgílí
 ãnî ndrī gólìyî rī 'bá ngá ãlô ró Yésū Krístō bē rî
 yî drí gō'dá kpá ãnî drī-'bá kǎnìsǎ kâ rî 'bá yî drí,
 gō'dá kpá ãnî kǎnìsǎ vó ndrē 'bá ró rî yî bē.

2 Ôvârí āmâ átá gō'dá Kúmú āmákâ Yésū
 Krístō bē, òfē ìyî òrē ãnî drí tā ã'dì bē.

*Tā gólâ Póólō drí rātáā 'ézó krístō 'bá gólìyì
 Fìlípì 'álâ rî 'bá yî tāsī rî*

3 Òzō ãnî tā āāgā trá má drī rî, má drí rīzó
 āwô-ìtí 'élé Ôvârí drí, gō'dá má drí rīzó rātáā 'élé
 ãnî tāsī.

4 Gō'dá òzō má ò'è rātáā trá Ôvârí drí ãnî tāsī
 rî, ó'bā má â'dólé āyīkō ró,

5 tǎlâ má ìsū tā ngá gólìyì tǎndí ró ndrī ãnî drí
 'élé ámâ pāzó lōsī tā átí-átí Ôvârí kâ nō pēzó,
 ìtōlé kǎyì drī-káká má drí ãnīzó ãnî ngálâ rî sī
 būúũ ngbāāngbānō rî ì'dí.

6 Tǎlâ tā 'dì tāsī rî, tā pǎtǐ rō, má lē tā trá kī,
 Ôvârí â'dô lōsī tǎndí gólâ drí ìtōlé trá 'élé ãnî
 'á 'dī lōpé'á būúũ kǎyì gólâ Yésū Krístō drí 'ézó
 ácalé āgōlē āngó nō 'á rî sī lōsī tǎndí rî gógó 'dī
 drí gōzó rû ndélé ngbá.

7 Rī'á tā mbì 'ì má drí 'bāzō āyīkō ró ãnî tāsī,
 tǎlâ ãnî lōvó bē má 'â rōō. Ngátá má â'dô bē

gãnimã 'á, ngã má â'dô bê gãnimã 'á kô yã rî, má drí rîzô tâ Ôvârí kâ pélé mbimbî kî, tâ âti-âti tândí Yésũ rî tãsi rî rî'á pãtĩ rî, nĩ ãmũ drí trá lôsi ámakâ gólâ Ôvârí drí rî 'á.

⁸ Ôvârí rî lífí drí 'á, má 'bã ãnî lôvó trá röö, lövö gólâ Yésũ drí 'bãlé ôjílâ iyíkâ drí rî sî. Má lë röö ãnî ndrëlé kpá ó'dí.

⁹⁻¹⁰ Má 'è rãtãã Ôvârí drí ãnî tãsi kî, lövö ãnîkâ Ôvârí rî tãsi ôjílâ ázi bê rî ùlípĩ ácalé röö. 'Dĩ kpãrãtĩ tâ nĩnĩ Ôvârí rî tãsi rî bê, nĩ ícã ró bê tâ gólíyî mbimbî rî nĩlĩ ì'dí gô'dá 'élé dódó. Gô'dá ìtí rî, kãyî gólâ Yésũ drí ágözó ãngó nõ 'á rî, áãṅóõ tâ ãnî rú tâ õnjí tãsi rî kpá kô ãlôwálâ,

¹¹ õzõ nĩ õrî zãã tâ tãndí mbî rî 'bá yî 'élé mbârãkã Yésũ Krístõ kâ rî sî rî. Gô'dá ìtí rî, ôjílâ ndrî â'dô Ôvârí rî ñnjî'á gô'dá lùyízó lâ.

Tã Póðlõ drí 'bãzó ãyĩkõ ró õzõ kpálé óõ'bã bê gólâ gãnimã 'á rî

¹² Ámã ãdrúpĩ yî ámã ízó yî bê, má lë tâ átalé ãnî drí kî, lãṅõ gólíyî ámã 'è 'bá rî 'bá yî, 'bãá mã kô lôsi tâ âti-âti tãndí pëpë kâ nõ áyéle. Vö lâ 'á rî, tâ âti-âti tãndí Ôvârí kâ rî trá mbãlé nĩ'á ãtí 'álâ ôjílâ drí tâ lëzó 'á lâ.

¹³ Gô'dá ãjú 'bũ 'bá gólíyî rî 'bá kúmú rî vó ndrëlé rî 'bá yî, ãjú 'bũ 'bá yî ndrî gólíyî rî 'bá jãrĩbã 'á nõ, gô'dá kpá ôjílâ ãzã 'bá yî ndrî nõlé rî yî bê, nĩ iyî trá kî, ó'bã mã trá gãnimã 'á, tãlã tâ pëpë ámakâ Yésũ Krístõ rî tãsi rî drí sî.

¹⁴ Gô'dá kpá ámã ãdrúpĩ yî krístõ 'bá ró rî 'bá yî trá rî'á ãmbã tâ lëlé bê gãrã Kúmú ámakâ Yésũ 'á, gô'dá gólíyî ícã kpá trá tâ âti-âti Ôvârí kâ pélé

ōjílā drí cú ítí ùrĩ ākó, tālā gólīyī ndrē tā gólā Kúmú āmákā Yésū drí ámā pāzó gǎnīmǎ 'á rí trá.

15 Rĩ'á tā pǎtĩ 'í kī, ōjílā ūrūkā 'bá yī rí cé tā pélé Yésū rí tāsī, tālā tā 'dī āgī-āgī gólīyī lífí. Gō'dá ítí rí, lē ìyī ōjílā ōndrē ró ìyī ōjílā tā là yī drí lǎnjílí lǎnjí rí 'bá yī ró ōjílā āzā 'bá yī drĩ sī. Gō'dá lé ítí rí, ōjílā ūrūkā 'bá yī bē rĩ'á ìyī, gólīyī pǎtĩ tā pē 'bá ró Krístō rí tāsī pǐpìsílí tǎndí sī.

16 Gólīyī rí 'bá pēlá pǐpìsílí tǎndí sī 'dī rí ìyī 'dī pēlá tálā lōvō gólīyíkā āmā drí Yésū bē rí tāsī. Gólīyī nǐ trá kī, Ôvǎrí 'bā tā trá ódrí ámā 'bāzó gǎnīmǎ 'á, tālā â'dálā kī, tā pēpē āmákā Yésū rí tāsī rí rĩ'á pǎtĩ.

17 Gólīyī rí 'bá tā pélé Yésū rí tāsī pǐpìsílí ōnjí sī rí 'bá yī, ìsū ìyī tótó ìyī nyǎányā tā 'í dī. Gólīyī ìsū kī, yī āâ'dô ícá'á rú ìzā félé má drí rōô má drí 'bāzó drē gǎnīmǎ 'á nō rí sī.

18 Má lô'bé pǐpìsílí kō ōjílā rí 'dī 'bá yī tāsī, tālā gólīyī rí rĩ'á tā âtí-âtí Yésū rí tāsī rí pē'á ōjílā drí. Má lē tā âtí-âtí rí 'dī ópē ró kára lǎtí gólā ícá 'bá bē â'dólé rí 'ásí. Ngátá pǐpìsílí tǎndí sī yā ngā ōnjí lá sī yā rí, má lē āmákā cé tā âtí-âtí Yésū rí tāsī rí ōlâ'bú ró bē hīyā. Má â'dô āwô-ítí 'è'á Ôvǎrí drí tā 'dī tāsī.

19 Mā āyīkō bē, tálā má nǐ trá kī, má â'dô rĩ'á fīlī âtū-âtū sī, gō'dá má áyé tā kō 'dēzó Yésū vósí rǎtǎā āníkā ámā tāsī, gō'dá kpá rú àmú Líndrí Tǎndí Yésū Krístō ká rí ká sī.

20 Tā gólā má drí lélé pǐpìsílí ālô sī, gō'dá rĩ'á lífí 'bǎlé drí lá rí rĩ'á nōtí, tā āzākā ōpē má kō ālôlá. Má lē â'dólé fīlī âtū āmbá bē kǎyí vósí cé, ngíngí lá ngbāngbānō kǎyí lǎnō ká nō sī, tā Ôvǎrí drí

lélé má drí 'èlé rí 'èzò, tãlã má ìnjĩ ró Krístõ bê ngá ndrĩ gólíyí má drí 'èlé rí 'bá yí sī, ngátá má â'dô rĩ'á lédrê-lédrê ró, ngã drã'á yã rí.

21 Tã gólíyí tã lâ yí drí lãnjĩlí má drí rĩrĩ tãsĩ rí ã'dô 'í yã? Má lĩfí rí, 'dèlé Yésũ vó ì'dí. Bê trá ítí rí, drãdrã rĩ'á tãndí ró, tãlã má â'dô ngá àngí ùsú'á gãrã gólã má drí â'dózó ì'dí bê lâ àngó nõ 'á rí drĩ sī.

22 Kpálé ítí rí, òzõ má òrĩ ámã rú'bã ìnyĩrĩkõ nõ bê rí, má â'dô ícã'á rĩlí rĩ'á lôsĩ tãndí 'èlé Ôvãrí drí àngó nõ 'á. Gõ'dá bê ítí rí, tã àngó rí 'bã yí ì'dí rĩ'á dódó njĩlí yã? Rĩrĩ lédrê-lédrê ró, ngátá drãlé yã? Má nĩ kô.

23 Tã ìsũ ámãkã rĩ'á rĩ rĩ tã 'dí 'á. Má lã àngó drĩ nõ àyélé, tãlã má drí ícázó bê rĩlí Krístõ bê, gõ'dá má nĩ trá, 'dĩ rĩ'á tã tãndí 'í.

24 Kpálé ítí rí, ãnĩ tãsĩ rí, rĩ'á ícã-ícã ró kĩ, má òrĩ lédrê-lédrê ró ámã rú'bã ìnyĩrĩkõ bê, tãlã má ìicã ró bê rĩlí rĩ'á ãnĩ ìmbálé.

25 Gõ'dá nĩngá sī, má nĩ trá kĩ nĩ rí, má â'dô rĩ'á lédrê-lédrê ró. Gõ'dá rí, mã â'dô drê rĩ'á zãã ãní bê ndrĩ àngó nõ 'á, tãlã ã'dô ró bê tã lèlã ãníkã Yésũ 'á rí ùlípĩ ró â'dólé àtí 'álã, gõ'dá kpá àyĩkõ tã lèlã ãníkã kã 'dĩ 'bãlé lĩpĩlí kpá àtí 'álã.

26 Òzõ Ôvãrí òfẽ àndrã-tãndĩ má drí ãnĩ ndrẽzó kpá ó'dí rí, gõ'dá nĩ â'dô Yésũ rí lúyí'á, tãlã gólã pĩ látì nĩ ãnĩ drí ámã ndrẽzó kpá ó'dí.

27 Nĩ 'bã tã ìsũ ãníkã tã gólã àlô nõ 'èlé. ãnĩ òjílã Ôvãrí kã ró rí 'bã yí, nĩ rí tã 'èlé â'dô tã àtí-àtí Krístõ rí tãsĩ rí vó ró. Gõ'dá ítí rí, òzõ má ìicã nĩlí ãnĩ ndrèlé, ngátá òzõ má ìicã kô â'dólé ãní bê tólã rí, má lã àrílã kĩ, ãnĩ rĩ'á ngãrã-ngãrã

kpākā ālô tā lēlē āníkā tā âti-âti Ôvârí kâ 'á rî 'á.

²⁸ Nī âyê ãjú-'bá-ãzí āníkā rî 'bá yî kô ānî 'bālê ûrĩlĩ. Ôzô nĩ āadrê gágá ũrĩ ākó ĩtí rî, â'dô â'dó'á lāmbé 'î tā â'dalé ānî ãjú-'bá-ãzí yî drí kī, Ôvârí â'dô gólĩyî úfú'á, gō'dá Ôvârí rî gógó â'dô ānî pā'á.

²⁹ Nī ndrê drê, Ôvârí nĩ ānî trá tā lēlē Yésū 'á. ĩtí rî, gólâ â'dô kpá ānî 'bā'á lāṅô úsulĩ tālâ tā lēlē āníkā Yésū 'á 'dĩ sī,

³⁰ ôzô ānî drí âmâ ndrêrê rĩ'á lāṅô úsú'á, tālâ má lē tā trá Yésū 'á rî drí sī rî tí. Tālâ ānî rĩ'á rú cē'á kâyî lāṅô kâ sī kpá ôzô ānî drí âmâ ndrêrê kâtí rú cē'á ĩ'dí bê lâ sísí rî, gō'dá kpá zāā ānî drí rĩ'á ārílâ rî kâtí kī, mâ drê zāā rú cē'á ĩ'dí bê lâ nōtí.

2

Tā Póólô drí âtalé kī â'dô-â'dô âmákâ āâ'dô ôzô Yésū kâ tí rî

¹ Ānî rĩ'á ngá ālô ró Yésū Krístô bê. Gō'dá ĩtí rî, gólâ sô mbârákâ trá ānî 'á. Gō'dá gólâ 'bā ānî pĩpĩsílĩ trá â'dĩlĩ â'dĩ, tālâ nĩ nĩ trá kī, gólâ lē ānî trá rōô. Líndrí Tândí Ôvârí kâ ĩcú ānî rú'bá trá ngá ālô ró, gō'dá nĩ nĩ āzí-ãzí ĩzā bê gólĩyî pázó 'á lâ sī dódó.

² Bê trá ĩtí rî, 'dōvó nĩ 'ê tā gólĩyî nō 'bá yî ĩ'dí âmâ 'bālê â'dolé āyĩkō ró rōô. Tā ĩsū āníkā āâ'dô kpākā ālô, nĩ 'bā ānî āzí-ãzí yî lōvó, nĩ rî ngá ālô ró pĩpĩsílĩ 'á.

³ Nĩ 'ê tā kô, â'dô ró bê ānî nyāányâ 'bázó â'dolé sísí, āmbā úsúzó ānî nyāányâ drí. Nĩ ârú ānî kô cú ĩtí tā ífí ākó. Vō lâ 'á rî, nĩ 'bā ānî

nyãányâ ngá fínyáwá ró ãní ãzí-ãzí yí ândrá. Ní 'è tã gólâ gólíyí 'bã 'bá â'dólé ãní drí sísí rí ì'dí kára.

⁴ Dõvó ãní ãzá ãlô ò'è tã gólíyí iyí ãzí-ãzí yí pázó rí ì'dí, gõ'dá ní 'è kô cé tã ãní nyãányâ pázó rí ì'dí.

⁵ Tã ìsũ ãníká ãâ'dô ãlô tã ìsũ Yésũ Kristõ kâ bê.

⁶ Ôzõ kpálé gólâ bê trá Ôvârí 'í rí, gólâ rú ãmbã iyíkâ njírí-njírí Ôvârí ró kô.

⁷ Dĩi vò lâ 'á rí, gólâ 'bã ãmbã iyíkâ gãrã drĩ gõzó iyí nyãányâ tã njálé gõ'dá â'dózó õzõ rú ì'bũ 'bá kátí, ì'dí ìtí útí gólâ kpá â'dólé õjílã mvá ró.

⁸ Gõ'dá â'dô-â'dô gólâkâ õjílã mvá ró 'dĩ, gólâ 'bã iyí nyãányâ trá gbõ â'dólé õjílã gólâ tã lâ drí lãnjílí lãnjì kô rí ró. Ìtí rí, gólâ rô Ôvârí trá bũúú cãlé iyí nyãányâ áyéle fũlì. Gólâ lè tã-drĩ kpá drãzó fè lâlì-lâlì drĩ õzõ tã õnjí 'bá kátí.

⁹ Tãlã tã 'dì tãsí rí, Ôvârí 'bã gólâ trá â'dólé ìnjílì ìnjì gõ'dá gólâ rí trõzó úrú 'álã. Ìtí rí, Ôvârí fè drí-âcè trá gólâ drí â'dózó drí-âcè bê gãrã ngá lédrè-lédrè ùrúkã ãzã 'bá yí kâ rí drĩ sí,

¹⁰ tãlã õjílã ìncã ró iyí bê Yésũ rí ìnjílì. Ôjílã ndrĩ 'bũú 'álã rí 'bá yí, gõ'dá kpá gólíyí ãngó drĩ nõngá rí 'bá yí, kpá gólíyí òdrã 'bá trá rí 'bá yí bê, â'dô iyí 'ã'í tì'á ndrĩ Yésũ ândrá Kúmú ìyíkã ró.

¹¹ Gólíyí ndrĩ â'dô tã átá'á hũwã kí, Yésũ Kristõ rí'á Kúmú ángí 'í kôró õjílã drĩ sí ngá lédrè-lédrè bê ndrĩ. Ìtí rí drí sí, áâ'dô ãmã átá Ôvârí rí lùyí'á.

Tã gólâ tã mbì rí 'èzò ì'dí õjílã ndrĩ ândrá rí

12 Gõ'dá bê trá ítí rî, ãní ámâ rû-lê-ãzí yí gólíyí má drí lôvó lâ yí 'bãlé rî yí, 'dõvó nî rî úlí ámakâ rî 'bá yí ârí-ârí lâ yí sî, õzõ ãní drí rî'á trá 'èlá kâyî má drí rîzó rîlí tólâ ãní bê rî 'á rî kâtí. Gõ'dá ngbãangbânõ, õzõ má drí â'dórê kô tólâ ãní bê rî tí nõ, 'dõvó nî 'è tã mbârâkã sî rîzó zãâ úlí Ôvârí kâ rî 'bá yí ârílí ì'dí. Nî 'è tã gólíyí ícá 'bá õjílâ Ôvârí kâ drí rî'á 'èlá rî 'bá yí ì'dí mbârâkã sî ãní pázó.

13 Nî ícâ rîlí tã tãndí 'dî 'bá yí 'èlé ì'dí, tãlá Ôvârí â'dô tã 'dî 'bá yí lôvó lâ 'bã'á ãní 'á ãní drí 'èlé, gólâ â'dô ãní 'bã'á tã gólíyí sũ 'bá yí ìfí rî 'bá yí 'èlé mbîmbî. Gólâ gõ'dá âfê mbârâkã kpá trá ãní drí 'èzõ lâ ì'dí sî lâ.

14 Nî 'è tã ndrî tã gîgî ãkó, gõ'dá kpá lâwã-lâwã ãkó ãní ãzí-ãzí yí bê,

15 tãlá óõzõ kô tã âṅõõ ãní rú tã õnjí tãsí ãlôwálâ, gõ'dá tãlá nî â'dô ró bê Ôvârí rî mvá ró cú ítí tã õnjí ãkó. ãní drí rîlí õjílâ mbîmbî ró õjílâ gólíyí õjílâ mbî ró kô rî 'bá yí lâfálé. Á'dô ítí rî, nî â'dô lâgú'á, õzõ ì'bî'bîwá gólíyí 'bũ 'álâ rî 'bá lâgúlí vò ì'ílí rî 'bá yí kâtí.

16 'Dõvó nî âtâ tã âtî-âtî tãndí gólâ 'è 'bá lédrê-lédrê ãdükü ãkó rî fêlé rî ì'dí õjílâ gólíyí â'dó 'bá tã mbî 'bá ró kô 'dî 'bá yí drí. Nî 'è õzõ 'dî kâtí, tãlá má ìicâ ró bê ámâ ârúlí ãní tãsí kâyî ãdükü Yésũ drí 'èzõ âgólé tã kî 'bá ró ãngó nõ 'á rî sî. Tã tãndí 'è'è ãníkâ â'dô â'dá'á lâ kî, lôsî ámakâ ãní lâfálé 'á rî â'dó kô cú ítí, tã ífí ãkó õzõ ápé fàràngàngá kâtí.

17 Tã lèlê ãníkâ Ôvârí 'á gõ'dá lôsî ãníkâ gólâ drí rî bê rî'á ngá fêfê 'í Ôvârí drí. Õzõ nî õrî rîlí

rĩrĩ tãndí sĩ rĩ, ìtí òzò kpálé má òdrã áamá ãrí drí rãzó cãrã-cãrã, òzò òdrá gólá rĩ'á dãlá ngá fẽfẽ ró Ôvãrí drí rĩ kãtí rĩ, 'dĩ 'dó rĩ'á ngá fẽfẽ kãtí kpãkã ãlô ngá fẽfẽ ãníkã Ôvãrí drí ngá 'ẽ'ẽ ãníkã gólá drí rĩ sĩ rĩ bẽ.

¹⁸ Ìtí rĩ, má â'dô 'bã'á ãyĩkò ró tã lâ sĩ, gõ'dá mã â'dô Ôvãrí rĩ lùyí'á kpãkã ãlô ãní bẽ. Nĩ â'dô ìcá'á kpá â'dólé ãyĩkò ró gõ'dá kpá Ôvãrí rĩ lùyí'á kpãkã ãlô má bẽ.

Tã Tĩmãtĩyã yĩ tãsí Ēpãfãròdító bẽ

¹⁹ Òzò Kúmú ãmákã Yésũ òlòpê mã rĩ, má â'dô Tĩmãtĩyã rĩ jò'á 'wãã ãní ngálá, tãlá gólá ããgò ró bẽ tã gólá 'ẽ 'bá áamá 'bãlé â'dólé ãyĩkò ró rĩ bẽ mã drí ãrílí.

²⁰ Tĩmãtĩyã cé ì'dí rĩ'á òjílã ãzãkã mã bẽ nòlé ãmã drí ãní lòvó 'bãzó gólá bẽ rĩ ì'dí.

²¹ Nĩ ndrê drẽ, òjílã ãzã 'bá yĩ ìsũ ìyí tã cé tã ìyí nyãányã kã rĩ 'bá yĩ tãsí. Gólíyí ìsũú tã, tã Yésũ Krístò kã rĩ 'bá yĩ tãsí kò dódó.

²² Gõ'dá ãní nyãányã nĩ trá kĩ, Tĩmãtĩyã â'dã rù trá ãní drí ngá 'ẽ 'bá tãndí ró Ôvãrí drí. Gólá 'è tã dódó kpãkã ãlô mã bẽ tã âtí-âtí Ôvãrí kã pẽ bẽ, òzò mvã tãndí drí lòsĩ 'èrẽ kpãkã ãlô ìyí átã bẽ rĩ kãtí.

²³ Òzò mã ùnĩ áamá nyãányã tã trá, ngãtã áã'dô drí ìnjí'á fí trá mã rú sĩ yã rĩ, mã ìsũ tã trá gólá rĩ jòzó 'wãã ãní ngálá.

²⁴ Gõ'dá pãtĩ ró, mã 'bã tã lèlè ámákã Ôvãrí 'á kĩ, gólá â'dô lãtĩ nĩ'á mã rĩ gógó drí nĩzó nĩ'á ãní ndrèlé 'wãã.

25 Gõ'dá ngbãângbânõ rî, má ìsũ tã, rĩ'á îcâ-îcâ ró má drí Êpãfãrödítõ gólâ rĩ 'bá wárãgã ámakâ nõ trôlé ãnî drí nõ jôzó gôzó ãnî vá tólâ. Sísí nĩ âjô gólâ nõlé võrã bê má drí gõ'dá kpá ámâ vó ndrêlé. Gõ'dá má ndrê gólâ ámâ âdrúpĩ ró, gõ'dá kpá ngá 'ẽ 'bá âziyã ró, gõ'dá nĩngá sĩ rĩ kpá ãjú-'bũ-ãziyã ró lôsĩ ámakâ Ôvãrí kã rĩ 'á.

26 Gólâ rĩ'á njãã nĩlí nĩ'á ãnî ndrêlé ndrĩ kpá ó'dí. Gólâ rĩ'á tã ìsũ ró ãmbá, tãlá nĩ ârĩ trá kĩ, gólâ rĩ ãmbúkũ lãkĩ gbíyá dã drãlé ngá lâzé drí sĩ.

27 Rĩ'á tã pãtĩ 'î, ngá lâzé ìzã gólâ trá rõô. Ótó kãã 'è trá 'dêlé gólâ rĩ bĩ 'á. Gõ'dá Ôvãrí ndrê ìzã kôkô ámakâ gólâ bê rĩ trá ngá lâzé gólâ rĩ êgbé 'bá 'dĩ sĩ, Ôvãrí pã gõ'dá gólâ trá, tãlá ìzã kôkô gólâ rĩ ôdrã kã rĩ ôzó ngá lãnjĩ ãzã âtrãã má drĩ dró gólíyĩ ndrĩ ámakâ ãzã 'bá yĩ ró rĩ yĩ bê.

28 Tãlá ngá lâzé gólâkã kí drê trá drí sĩ rĩ, má lã trá rõô gólâ rĩ jôlé ãnî ngáá tólâ ngbãângbânõ, tãlá nĩ â'dô ró ãyĩkô sĩ, ôzô nĩ ôndrê gólâ kpá trá ó'dí rĩ. 'Dĩ, má rĩ gógó â'dô 'bã'á kpá ãyĩkô ró kpãkã ãlô ãnî bê gólâ rĩ tãsi. Gõ'dá 'dĩ rĩ â'dô ìzã kôkô rĩ ámâ nyãnyã kã rĩ 'bã'á â'dólé ngbãã dã vó bê.

29 Ìtí ôzô gólâ ôcã trá tólâ rĩ, nĩ rû gólâ drí rĩ sĩ ãnî âdrúpĩ Krístõ 'á rĩ ró, tãlá Kúmú ámakâ Yésũ sĩ. Nĩ 'bã lãnjĩ ôjílã ôzô gólâ tí rĩ 'bá yĩ rû,

30 tãlá gólâ trá gbíyá 'ẽ'á ãngó áyéle, tãlá lôsĩ gólâ drí rĩ'á 'êlá Yésũ drí rĩ sĩ. Gólâ tã pá nyãnyã drĩ tãlá ãnizó ámâ pãlé ámâ vó ndrê 'bá ró, ôzô ãnî nyãnyã drí rĩrĩ cú ìtí ícã ãkó ãnĩlí ámâ pãlé rĩ kãtí 'dĩ.

3

Tā 'ēzō â'dólé òzō Yésū tí tā 'ē'ē 'ásī ndrī rí

¹ Ámâ âdrúpì yí ámâ ìzó yí bē, tā ãdūkū ámakâ ãnî drí rí ì'dí nō. Nī â'dô ãyīkō ró, tãlã ãnî trá ngá ãlô 'í Kúmú ámakâ Yésū bē. Á'dó kô rī'á tã lãnjī 'í má drí tã má drí átálé trá ãnî drí sīsī rí ândázó kpá ó'dí, tãlã úlì ámakâ nō 'bá yí ìcã kpá trá ãnî pãlé.

² ãnî ìfì òmbã ãnî rú òjílã Yúdã yí kã gólīyī rī'á òzō òké kátí rí 'bá yí drí sī, òjílã gólīyī lē 'bá ãnî 'bélé bãsã zélé, tãlã nī ã'dô ró bē òjílã Ôvãrí kã ró 'dī rí ìyī 'dī rī'á tã ònjí rōo rí 'ē'á.

³ Mã ìsū tã kô 'dē'dē bãsã 'á rí drī ãmâ òjílã mvã 'bãlé â'dólé òjílã Ôvãrí kã ró. Ámâ gólīyī rī 'bá Ôvãrí rí ìnjílì kôro Líndrí Tãndí gólãkã 'ásī rí 'bá yí ì'dí rī'á gólīyī pãtī ì'dē 'bá trá bãsã 'á rí. Ámâ ãyīkō ró â'dólé ngá ãlô ró Yésū Krístō bē, gólã ì'dí rī'á lãtì pãtī 'í â'dózó òjílã Ôvãrí kã ró.

⁴ Tí òzō tã gólīyī òjílã drí 'élé rí 'bá yí ìcã trá pãtī gólã rí 'bãlé â'dólé òjílã Ôvãrí kã ró rí, tí má â'dô ìcã'á ìfì 'bãlé tã gólīyī má drí 'élé trá rí 'bá yí drī. Òzō òjílã ãzã 'bá yí ìcã ìfì 'bãlé tã gólīyī ìyī drí 'élé ìyī pãzó rí drī rí, má 'ê tã trá rōo ã'dô lã'bí ámakâ òjílã Yúdã yí kã kã vó ró gãrã gólīyíkã rí 'bá yí drī sī.

⁵ Má 'dē bãsã 'á, 'dī mã drē rī'á kãyì nji-drī-lã-nã. Útì mã òjílã Ìsīrã'élé kã ró 'bãsurú Bēnjimónã kã rí 'á. Mã rī'á òjílã Ìbūrū kã 'í, ámâ átã gō'dá ámâ ândré yí bē. Má ìnjì lã'bí ámâ òjílã Yúdã yí kã kã ndrī gō'dá Pãrúsì yí kã bē tãndí ró.

⁶ Má rî trá, rĩ'á kó njãê lânõ fêlé òjílã kãníšã kã drí, ã'dô ró bê võ drí sũzó Ôvârí rú rōô. Má 'ê tâ ndrĩ tâ 'bã'bã 'êlé rî kã mbĩmbĩ ró.

⁷ Tã gólíyî má drí rĩ'á tâ lâ yî ìsũlí kĩ, ãâ'dô âmã 'bã'á â'dólé sísí 'álá ró òjílã gólã tâ lâ drí sũlí Ôvârí lĩfĩ rî ró rî, mâ trá rĩ'á njãê 'bãlã ìyî má ùgúlí Yésũ rî tãsí.

⁸ Gõ'dá â'dó kô cé tâ rî 'dĩ 'bá yî ì'di. Má ndrê ngá ãzã 'bá yî kpá ndrĩ òzõ 'dĩĩ kátí. Má âyê ngá rî 'dĩ 'bá yî trá ndrĩ, ã'dô ró bê má drí ìcázó Yésũ Krístõ rî nĩlĩ Kúmú âmákã ró. Gólã rî nĩnĩ lâvũ gãrã kôró ngá ndrĩ ãzã 'dĩ 'bá yî drĩĩ sĩ. Ngá ãzã 'bá yî 'dĩ lèndrê má lĩfĩ tõtõ má drí kũlĩ ômvólé dãlé volé ômã 'á rî ró, ã'dô ró bê má drí 'bãzó òjílã Yésũ kã rî ró.

⁹ Má lè trá â'dólé ngá ãlô ró Yésũ bê. Má â'dó kô 'ê'á âmã nyãányã 'bãlé â'dólé òjílã mbĩmbĩ ró tâ 'bã'bã gólíyî Ôvârí kã rî 'bá yî sĩ, tãlã 'dĩĩ ìcã kó. Võ lâ 'á rî, rĩ'á Ôvârí ì'di 'ê'á fãfã fêlé má drí rĩzó òjílã mbĩ ró, tâ lèlè âmákã Yésũ 'á rî sĩ. 'Dĩĩ rĩ'á lãtĩ pãtĩĩ Ôvârí kã rî ì'di â'dózó òjílã mbĩmbĩ ró. Má ùsũ trá tâ lèlè âmákã Yésũ 'á rî sĩ.

¹⁰ Tã gólã pãtĩĩ má drí lèlé rî rĩ'á Yésũ rî nĩlĩ dódó gõ'dá mbãrãkã gólãkã gólã Ôvârí drí gólã rî lĩdrízó òdrã 'ásĩ rî bê. Gõ'dá má lè lânõ gólã rî 'ê 'bã 'dĩ ãmúlí gólã bê, tãlã má â'dô ró bê gólã tí tâ Ôvârí kã rî ìnjĩlĩ bũũũ drãzó,

¹¹ tãlã â'dózó ìtĩ rî tãsí rî, má â'dô lédrê-lédrê ó'di ùsũ'á òzõ òjílã gólã lĩdrílĩ òdrã 'ásĩ rî kátí.

Tã gólã tâ 'ê'ê kã pĩpĩsĩlĩ ãlô sĩ drĩ-â ùsúzó Ôvârí drígã sĩ rî

12 Má rí nǒ kô tǎ âmǎlé kǐ, má úsù ngá gólǐyí má drí lélé rí 'bá yí trá ngbálá. Má rí nǒ kô tǎ âmǎlé kǐ, má trá kǎkǎrǎ òjílǎ mbǐmbǐ 'í cú ítí tǎ ònjí àkó rǐrǐ ámaká 'á. Gǒ'dá má rí nǒ bē-rí zǎá bǎdǐ rú cǎlé â'dózó òzǒ 'dǐ rí kátí amá nyǎányá drí, tǎlǎ Yésù Krístò 'bǎ má trá â'dolé òjílǎ íyíká ró.

13 Âmá âdrúpǐ yí amá ìzó yí bē, má ndrè amá nyǎányá kó òzǒ òjílǎ gólǎ ngá 'dǐ úsù 'bá lâ ró rí drē kô rí kátí. Gǒ'dá má drí rǐzó gbō rǐ'á tǎ gólǐyí nǒ 'élé. Tǎ gólǐyí má drí 'élé sísí rí 'bá yí já trá má drǐ sǐ, gǒ'dá má drí amá fǐzó nǐlǐ ǎtǐ 'álǎ tǎndí ró lǎtǐ Ôvǎrǐ ká 'á.

14 Má sē amá nyǎányá nǐlǐ ǎtǐ 'álǎ 'dǐ nǐlǐ drǐ-'â gólǎ Ôvǎrǐ drí amá zǐzó ânǐ'á úsúlǎ 'dǐ úsúlǐ 'būū 'álǎ Yésù Krístò sǐ.

15 Âmá ndrǐ gólǐyí lǐfǐ cǐcǐyá ró krístò 'bá ró rí ìsù tǎ kpá òzǒ 'dǐ kátí. Òzǒ tǎ ìsù ânǐ ũrúkǎ 'bá yí ká â'dô ngǐngǐ tǎ 'dǐ 'bá yí tǎsǐ rí, Ôvǎrǐ â'dô ânǐ 'bǎ'á tǎ ìsúlǐ mbǐmbǐ dódó tǎ lâ yí tǎsǐ.

16 Òzǒ ò'è rú kpálé ítí rí, nǐ 'dē mǎ nǐ zǎá sísí 'álǎ ró tǎ 'élé, â'dô tǎ tǎndí gólǐyí ânǐ drí 'élé sísí rí vó ró.

17 Âmá âdrúpǐ yí amá ìzó yí bē, nǐ rí kpākǎ âlò tǎ 'élé òzǒ má drí 'élé rí kátí. Má â'dá â'dílínyá tǎndí trá ânǐ drí. Gǒ'dá bē ítí rí, ânǐ lǐfǐ ǎâyǐ òjílǎ gólǐyí rǐ 'bá tǎ 'élé â'dô lǎtǐ âmá drí â'dalé ânǐ drí rí vó ró rí 'bá yí drǐ, â'dô ró bē ânǐ drí tǎ 'ézó kpá ítí.

18 Nǐ ndrè drē, má sō drē drǐ-mbílǐ trá ânǐ lǐfǐ sísí kó tǎ 'dǐ tǎsǐ ândalé ândalé dūū. Gǒ'dá ngbǎângbânò rí, má lē drǐ-mbílǐ sōlé ânǐ lǐfǐ tǎ

rî ãlôlâ nõ tãsi ãwó ngõngõ sî ãnî drí kî, òjílã dũũ ãnî lâfálé 'á rî ìyî rílí ãjú-'bá-ãzì Yésũ kâ ró. Gólíyî já rû trá tã âtí-âti kî'á nî rî, Yésũ pâ òjílã trá tã ònjí ìyíkâ 'ásì òdrã gólákâ fê lâlî-lâlî drî rî sî rî rú.

¹⁹ Ôvâri â'dô lânḡ fê'á òjílã rî 'dî 'bá yî drí lâsì sî vò gólâ lânḡ ònjí fê kâ rî 'á, tâlâ gólíyî 'dê trá rî'á tâ lôvó ìyî rú'bâ kâ rî 'bá yî vó cú ìtí 'dê ãkó Yésũ vó. Vò sù trá gólíyî rú rîrî ònjí gólíyíkâ rî tãsi. Gõ'dá ãnyî 'é gólíyî tã rî 'dî 'bá yî tãsi kô. Gólíyî rî cé tã ãnyákú drî nô kâ nõ ìsũlî ì'dî.

²⁰ Gõ'dá ãmâ tãsi rî, ãmâ ãmákâ bê-rî rî'á òjílã vò 'bũũ 'álâ rî kâ ì'dî. ãmâ trá njãã rî'á 'díyî pâ 'bá ãmákâ Kúmú Yésũ Krístô rî tẽ'á ãnîlî ãmâ trôlé nî'á rílí yî bê.

²¹ Gólâ â'dô ãmâ rú'bâ ãnyîrîkô tãkó drã 'bá bê nõ ôjá'á ngî, tâlâ ã'dô ró ìyî bê òzô ìyíkâ ngî lâ ró 'dî kâtí. Gólâ â'dô tã rî 'dî 'bá yî 'é'á ìyî mbârâkâ gólâ ìyî 'bã 'bá â'dólé ngá-tî drîlî kâkârapã ndrî rî sî.

4

¹ Ámâ âdrúpî yî ámâ ìzó yî bê ãnî rî'á gólíyî má drí lôvó lâ yî 'bálé rî ì'dî. Má lã tã rõô ãnî ndrëzó kpá ó'dí. Nî 'bã mã trá â'dólé ãyîkô ró. ãnî kpá gólíyî ámâ 'bã 'bá drî lâ drí pèlé rî tâlâ tã lèlã ãnîkâ Yésũ 'á rî sî rî ì'dî. Bê trá ìtí rî, nî rî zãã fî ìdũ-ìdũ sî tã lèlã ãnîkâ Yésũ 'á rî sî.

Úlî ãdũkũ Póólô kâ rî 'bá yî

² Êwôdíyã ãnî Sînitíkê bê, má lô'bã rú ãnî drí rú lèlé ãnî vó 'ásì ãmvúpî ãzì gólíyî kpãrãtî tã lã 'bá trá Kúmú ãmákâ Yésũ 'á rî ró.

³ Gõ'dá nî lôsî 'ě 'bá ází ámakâ gólâ pătĩ rĩ 'bá trá lôsî Ôvârí kâ 'élé dódó rĩ, má ìjî nî òkó gólìyî rĩ nô 'bá yî pâlê, tâlá gólìyî òrî ró tã ặ'dí sî. Gólìyî âdrê trá má bê lôsî 'élé tãndí ró, ặ'dô ró bê tã âtî-âtî Ôvârí kâ drí lậ'búzó òjílã drí ndrĩ. Gólìyî 'ê kpá lôsî trá dódó 'dũwặ Kêlémênêtĩ yí bê gõ'dá lôsî 'ê 'bá ámakâ ặzâ 'bá yî gólìyî rú lâ yî ìgĩlĩ trá búkũ Ôvârí kâ 'á gólìyí òjílã lédrê-lédrê zãã gbádú ặdũkũ ặkó rĩ rú lâ yí bê rĩ.

⁴ 'Dõvó ặnĩ ndrĩ kậyì vósĩ cé òrî ặyĩkõ sĩ, tâlá nĩ rĩ ngá ặlô ró Kúmú ặmakâ Yésũ bê. Má ặtã ặnĩ drí kpá ó'dí, nĩ ặ'dô ặyĩkõ ró.

⁵ 'Dõvó nĩ 'ê tã òjílã ndrĩ ặnĩ drí úsúlĩ rĩ 'bá yî drí mănĩsĩ 'dó pịpịsịlị tãndí sĩ, gõ'dá òjílã ndrĩ òndrê ró bê ặnĩ òjílã tãndí gólìyí rĩ 'bá tã tãndí 'élé mănĩsĩ pịpịsịlị ặlô sĩ rĩ 'bá yî ró. Kúmú ặmakâ Yésũ ặbí 'ế'á ặgõlê ặngó nô 'á 'wã.

⁶ Nĩ ìngá pịpịsịlị kô ùrũ tã ặzãkã ặzâ 'bá yî tãsĩ. 'Dĩ vồ lâ 'á rĩ, nĩ 'ê rãtãã Ôvârí drí tã tị cé tịtị tãsĩ. Nĩ 'ê rãtãã Ôvârí drí tã gólìyî ặnĩ drí lélé gólâ drí 'élé ặnĩ drí rĩ 'bá yî tãsĩ. Nĩ rĩ rãtãã 'élé zãã ặwồ-ặtị 'ế'ế sĩ gólâ drí.

⁷ Ớtị rĩ, gólâ ặ'dô tã ặ'dị fế'á ặnĩ drí tã rĩ 'dĩ 'bá yî tãsĩ. Tã ặ'dị gólâ Ôvârí drí 'ế'á fếlã rĩ lậvũ tã gólìyî ặmã drí ícá'á nịlã ặmã drị sĩ rĩ 'bá yî kôrô. Ôvârí ặ'dô ặnĩ òjílã gólìyî ặ'dô 'bá ngá ặlô ró Yésũ Krístô bê rĩ ặmó'á njírì-njírì. Gólâ ặ'dô ặnĩ pịpịsịlị vồ ndrê'á dódó, tâlá tã ặ'dị íyĩkã tãsĩ.

⁸ Ặmã ặdrúpị yí ặmã ìzó yí bê, tã ặdũkũ ró ặnĩ drí, 'dõvó nĩ ặsũ tã tã nô 'bá yî tãsĩ, tã gólìyî ặ'dô 'bá pătĩ rĩ 'bá yî, tã gólìyî ìnjịlị ìnjị rĩ 'bá yî, tã

gólîyî â'dó 'bá mbîmbî rî 'bá yî, tã gólîyî â'dó 'bá cú ítí tã ònjí ãkó rî 'bá yî, tã gólîyî ãyîkô lâ drí cîlí rî 'bá yî, tã gólîyî tã tãndí ró rî 'bá yî, gô'dá tã òjílã ãzâ 'bá yî kâ gólâ ãnî drí ícá'á Ôvârí rî lûyílí tã lâ sî rî 'bá yî. 'Dôvó nî ìsû tã cé ngá gólîyî tãndí ró ndrî 'dî 'bá yî tãsî ì'dî.

⁹ 'Dôvó ítí rî, nî ìnjî úlí ámakâ rî 'bá yî tã gólîyî má drí ãnî ícízó ì'dî sî lâ rî 'bá yî 'èzó ndrî. Nî 'è tã gólîyî ãnî drí ámâ ndrèzó rî'á 'èlâ rî ì'dî. Á'dó trá ítí rî, Ôvârí gólâ tã ã'dí fê 'bá trá ãnî drí rî â'dô rî'á ãnî bê.

Tã gólâ Póólô drí ãwô-ítí 'èzó Ôvârí drí ngá fêfê Filípî lé 'bá kâ ájólé yí drí rî tãsî rî

¹⁰ Má 'è ãwô-ítí ámbá rōô Ôvârí drí, tãlã ámâ ìzã gâ trá ãnî drí, ámâ tã rî zãã ágálé ãnî drî. Nî 'bã ãnî kpá trá â'dólé ámâ tãsî ó'dí lätî úsúlí ámâ pãzó âđî ãníkã sî. Gô'dá má nî trá kí, sîsî rî, nî lè trá ámâ pãlé, gô'dá bûúú ácálé ngbãângbãno rî, nî úsú lätî tãndí âđî rî 'dî ájózó má drí rî kô.

¹¹ Má rí kô úlí átálé âđî tãsî tãlã ìzã gólâ rî 'bá ámâ 'èlé nō sî, tãlã má nî tã trá â'dózó rîlí pîpîsîlí ã'dí sî â'dô rîrî tã tî lârâkô dūú rî 'bá ámâ 'èlé rî 'á.

¹² Má nî trá lätî â'dózó rîlí ìzã ngá ùrûkâ 'bá yî kâ bê, gô'dá má nî kpá trá lätî â'dózó rîlí cú ngá-tî dūú bê rōô. Má nî tã kíriwá lätî gólâ rîzó ãyîkô ró rî kâ kpá trá nōtí. Rîrî pîpîsîlí ã'dí sî tã lârâkô rî 'bá ámâ 'èlé rî 'á, ngátá mâ cú nyãsá bê nyãlé yã ngã má rî lõfó sî yã, ngátá mâ cú rî'á ngá bê rōô ámâ nyãnyã drí yã, ngã mâ rî'á ngá 'dî 'bá yî ìzã lâ bê yã rî.

13 Má ìcâ trá ngá-tì ndrĩ 'èlè Yésù gólâ mbârâkã âfê 'bá má drí 'èzó lâ rí sī.

14 Íyíkâ rĩ'á tã tãndí 'ì rōō ãnì drí áamá pázó kâyì lãṅō drí áamá úsúzó rōō rí sī.

15 Ænì krístō 'bá Fìlípì 'álâ rí yì, nĩ nĩ trá dódó kī, ãnì cé rĩ'á òjílâ gólìyì áamá pã 'bá àḍì sī rí 'bá yì ì'dí, lōsī ámakâ 'èzó kâyì má drí ãnì àyézó tólâ Mèkèdóniyã 'alâ tã lèlè ãníkâ 'bãlé sísì tã àtì-àtì pãtĩ Òvãrí kã 'á rí volé drĩ lâ 'ásī.

16 Gõ'dá kpá kâyì má drí à'dózó rĩ'á Tēsālōnìkã 'álâ rí, kâyì vósì cé, nĩ rí bê àrìlã kī, mã trá ìzã ngá kã bê rí, nĩ àjò àḍì trá má drí áamá pázó ì'dí sī lâ.

17 Gõ'dá ngá gólìyì ãnì drí àjólé má drí sísì nã rí, má lèé kò gbõ ngá zìlì ãnì drìgá sī. Má lè bê-rí Òvãrí òfê ró òrè ãnì drí rōō tãlã ngá fèfè ãníkâ má drí rí sī.

18 Ngbãàngbãṅō rí, má úsú àḍì ndrĩ ãnì drí àjólé má drí Èpãfãrōdítō drìgá rí trá. Gõ'dá Òvãrí fè òrè trá má drí rōō ãnì sī. Má úsú drì-'à lōsī ámakâ tãsī rí trá dũũ. Ngá fèfè ãníkâ 'dĩ rĩ'á òzõ ngá fèfè Òvãrí drí rí kâtí, 'bã Òvãrí à'dólé àyìkõ ró àmbá.

19 Òvãrí cú rĩ'á òrè bê rōō fèlé ãnì drí Yésù Krístō sī. Gólâ à'dò ngá gólìyì ãnì drí lèlè rí 'bá yì fè'á ãnì drí, à'dò lãtì gólâkã rìzó òrè fèlé òjílâ gólâkã drí rí sī, tãlã ãnì rĩ'á ngá àlô ró Yésù bê.

20 'Dõvó mã rí Òvãrí àmã átá rí lùyìlì 'bũũ 'álâ àmbá zã gbádú àḍũkũ àkó.

21-22 Mã Póòlō 'è nì-bè-yã òjílâ Òvãrí kã ndrĩ gólìyì à'dó 'bá ngá àlô ró Yésù Krístō 'á tólã nã 'bá yì drí ndrĩ kâkâṛâ. Gõ'dá òjílâ Òvãrí kã nólé

rî 'bá yî 'ê ãyî kpá nî-bê-yã ãnî drí tólâ, ngîngî
lâ gólîyî rî 'bá nólé lôsî 'êlé jó ândrê kúmú ạngí
Sízã kã 'á rî 'bá yî.

²³ 'Dõvó ãtí rî, Kúmú ãmákâ Yésũ Krístõ ãã'dô
ãní bê, tã lânjã íyíkã fêlé ãnî drí. Ì'dí 'dĩ.

Tã-drĩ Lěľě Ó'dí Óvârí Kâ

Avokaya: Tã-drĩ Lěľě Ó'dí Óvârí Kâ New Testament

copyright © 2002 Wycliffe Bible Translators, Inc.

Language: (Avokaya)

Contributor: Wycliffe Bible Translators, Inc.

All rights reserved.

2025-04-26

PDF generated using Haiola and XeLaTeX on 25 Apr 2025 from source files dated 26 Apr 2025

87931ba7-0e83-5f4d-bd6e-8c45876fc354